

高平縣志

知高平縣事龍汝霖纂輯



祠祀第三

周制凡立學必釋奠先聖先師長樂劉氏曰周立四代之學虞庠以舜爲先聖夏學以禹爲先聖殷學以湯爲先聖東膠以文王爲先聖取當時左右四聖者爲先師以配焉自漢高祖過魯以太牢祀孔子明帝幸孔子宅祀及七十二弟子遂有獨尊矣然廟猶止闕里也魏晉亦祀止辟雍惟北齊祀孔子配以顏回令郡學於坊內立孔顏廟博士以下月朝之遂爲郡國立廟朔望行香所自始唐貞觀時

高平縣志

卷三

祠祀

一

詔以左邱明諸賢配享廟堂追贈爵位從祀兩廡之典隆焉開元時增祀十哲宋度宗定爲四配而從祀則時有黜益至明嘉靖釐正祀典去封爵曰四配曰十哲曰先賢曰先儒至今遂爲永制邑文廟在縣治東南金燬於兵元至正八年邑尹劉好德重建明正德時知縣龔進拓而新焉其相繼修治者明知縣則李真傅思明劉騰霄劉一相張居仁王省身劉應召許安遇洪聲遠任大僚焦浴侯弘文劉大祥董良瓊王漢勝仁政教諭則王繼祖國朝知縣則劉廣國范繩祖劉璟武弘祖白良玉宋思陟何貞幹梅建教諭劉佐世知縣沈維烈高純治阮永裕黃永耀褚天

緯蔣允式孫嗣光紳士則李耀傳袁九錫也道光十八年
知縣李貞木紳士陳彭齡諸人復鼎新之中曰大成殿祀
至聖先師左有唐吳道子所繪聖象碑宋張持記所謂立
而顏淵侍曰小影者也四配則顏子曾子子思子孟子東
哲祀閔子冉子端木子仲子卜子有子西哲祀冉子宰子
冉子言子顓孫子朱子東曰東廡祀先賢邁瑗澹臺滅明
原憲南宮适商瞿漆雕開司馬耕梁鱣冉孺伯虔冉季漆
雕徒父漆雕哆公西赤任不齊公良孺公肩定鄔單罕父
黑榮旗左人郢鄭國原亢廉潔叔仲會公西輿如邾巽陳
亢琴張步叔乘秦非顏噲顏何縣亶樂正克萬章周敦頤

高平縣志

卷三

祠祀

二

程顥邵雍先儒穀梁赤伏勝后蒼董仲舒杜子春范甯韓
愈范仲淹胡瑗楊時羅從彥李侗張栻黃幹真德秀何基
趙復吳澄許謙王守仁薛暄羅欽順陸隴其後增先儒鄭
公孫僑李綱謝良佐毛亨文天祥方孝孺呂柟劉宗周孫
奇逢西曰西廡祀先賢林放宓不齊公冶長公皙哀高柴
樊須商澤巫馬施顏辛曹卣公孫龍秦商顏高壤駟赤石
作蜀公夏首后處奚容蒧顏祖句井疆秦祖縣成公祖句
茲燕伋樂欬狄黑孔忠公西蒧顏之僕施之常申棖左丘
明秦冉牧皮公都子公孫丑張載程頤先儒公羊高孔安
國毛萇高堂生鄭康成諸葛亮王通司馬光歐陽修胡安

國尹焯呂祖謙蔡沈陸九淵陳淳魏了翁王柏許衡金履
祥陳澔陳獻章胡居仁蔡清後增先賢公明儀先儒韓琦
陸秀夫曹端呂坤黃道周湯斌東北曰神庫西北曰神厨
申曰戟門門北有石摹吳道子所繪孔子乘車而羣弟子
從之圖戟門東曰更衣亭亭南名宦祠祠祀唐李陽冰郝
福明濟宋楊咸弼義甫金劉敏行察剡吾歌元劉好德郭
質明李真牛牯張晟毛忠楊子器楊恭董琦龔進王準王
省身任大僚王漢王繼祖 國朝劉廣國白良王戟門西
曰齋宿所所南鄉賢祠祠祀漢陳龜金晁會李曼楊公恕
張國綱王晦李晏趙可盧洵路元李純申萬全陳載晁國

高平縣志

卷三 祠祀

章李仲畧宋景初明郭質申良王敬王燧李振民劉虞夔
李向春楊暄畢一棟 國朝李時漸李濬慶張國綱張鑒

田馭遠畢振姬趙介李盤峰

故志祠虞溥却鑿徐招檀翥

蔡襲田弘誤

再南忠義孝弟祠雍正初 詔建於學宮祠

祀忠烈則陳龜王晦李仲畧李晏趙可張國綱賈魯賈五
會申良趙軌楊暄孝子則張宗古張完王敬王燧李振民
楊汝節徐行張養心畢一棟李東義行則李克紀趙倫王
珂張澤楊可楹焦一春李濬葉楊文盛邢堯民崔堂石有
璞張崇恩畢應科楊朝光田馭華緱元珍張克正田應運
田大良裴養志王命予蘇天福 故志祀徐招蔡祐王友直

談南曰樞星門再南曰泮池池東曰射圃圃北曰省牲亭
池南曰程子祠西曰文昌先代祠再南曰文昌閣閣左曰
魁星樓大成殿東北曰崇聖祠舊稱啟聖公祠雍正初追
封五代王爵改今名祠祀肇聖王木金父裕聖王祈父詒
聖王防叔昌聖王伯夏啟聖王叔梁配祀則顏氏無繇孔
氏鯉曾氏黜孟孫氏東廡則周輔成程珦蔡元定西廡則
張廸朱松殿北曰明倫堂堂左曰進德齋右曰修業齋堂
北曰敬一亭再北曰尊經閣是役也凡用民財二萬三千
四百四十餘緡四年而工竣贏錢三千五百緡以一千緡
剡宗程書院費一千五百緡助鄉會試貢士等車馬費一

高平縣志

卷三 祠祀

四

千緡爲文廟歲修費均貸之當商歲以什一爲息焉

文廟田舊三十八畝在建甯者爲畝二十在府底村者爲
畝十八後增二十七畝在東關外者爲畝七在老龍灣者
爲畝二十視歲之豐歉以爲賦備之當商者爲銀三百兩
歲取其息以資修葺則皆邑紳袁九錫所蠲也知縣毛振
鬪亦蠲二百金歲凡收息銀六十五兩四錢二分云

會典曰學田之設以供春秋享祀及贍給貧生也高平學
田宋金時爲民所侵沒明知縣張鹵奪僧田以復之舊一
頃十二畝七分七釐在裴泉村者爲畝八十在柏枝庄者
爲畝二十在董峯村者爲畝十二更七分七釐歲折納以

銀爲文昌牲牢及廩貧生之用同治元年復增路家村田爲畝十有五則以之助學官官奉之薄者也

文廟在鄉者皆明道先生鄉校遺址元郭質興復米山五十九里文館時復建康熙初存者二十三辰堰郃庄石村勾要建甯前建甯後魏庄徘徊趙庄米山吳庄裴泉陳村李門馬村東宅周纂唐安古寨伯方釜山原村小城是也今多頽廢矣惟米山李門宰李勾要西建甯前團池石村周纂石末龍尾古寨十一里特存

說文曰築土曰壇除地曰墀集韻曰起土爲埒曰壝昔黃帝問於伯高有封祭之壇而壇壝以興故後漢郡國志注

高平縣志

卷三 祠祀

五

有神農社周有黍壇魯有雩壇漢有社稷方壇令郡國皆置之唐增風伯雨師壇宋制州縣社稷壇四門同一壝

國朝雍正初 詔府州縣歲祭諸壇其禮載諸會典邑先

農壇在東郊雍正初知縣甘士瑛奉 詔建配房四楹今

圮正殿三楹存藉田四畝九分仲春之亥知縣祈穀於東

郊躬秉耒典史亞執青箱以播種農官贊之推以九農夫

終畝曰社稷壇在西郊明洪武初建而不屋北向春秋仲

月祀以戊曰風雲雷雨山川壇在南郊洪武初建制如社

稷壇祀亦如之曰邑厲壇在東郊祀以清明中元十月朔

移城隍神以主之明置有大厲國厲郡厲邑厲鄉厲之屬

曰社厲壇舊志云在鄉鎮廢今考下太村四壇俱存村北
曰天壇村西北曰地壇村東河曰河壇村東曰孤壇

自秦雍作酈時並祠陳寶諸神轉相推行狐叢妖祠幾遍
天下漢武尤好鬼神建立不經逮於季世遂至七百餘祀
一歲萬七千祠其不度可知矣魏黃初晉泰始宋政和雖
屢有淫祀之禁而不久仍妖妄相煽蓋巫史之中於人心
者深也明洪武初天下郡國皆祭三皇后罷之惟令有司
立壇廟祭社稷風雷雲雨山川城隍孔子旗纛及厲而庶
人則祭里社鄉屬得祀竈及其先餘皆禁祀典爲之廓清
矣高平俗尚神怪每村必置社社有廟廟有神雜沓猥瑣

高平縣志

卷三 祠祀

六

無可紀述而尤奇者爲鳳翅山之張儀廟儀詐僞小人足
不履高平何以祀諸此若莒山之藺相如廟叢桂里之七
賢祠今已廢矣故胥除之存其載在祀典及有功德於民
與流俗相沿旣久尙不至黷亂無稽者曰三皇廟在馬村
曰神農廟四一羊頭山爲高廟昔神農嘗五穀處一換馬
嶺爲上廟神農虛塚存焉一下太村爲中廟一東關爲下
廟爲最古而團池故關焦河諸廟不與焉曰湯王廟三一
城南一唐安一強營村村廟古柏最奇特曰關帝廟在縣
者三一衙左一儒林坊一西關儒林坊祠及三代曰光昭
王曰裕昌王曰成忠王在鄉者三一團池一米山鎮一北

蘇莊曰文昌樓在南城樓文昌閣在南關曰八蜡廟在南
郊萬曆時知縣劉一相改建於舊址西咸豐間復建於李
貞女祠故址祀神八曰先嗇神農也曰司嗇古后稷官曰
農古田畷曰郵表畷田畔連畷處造爲郵舍以居田畷者
曰貓虎食田鼠田豕者曰坊堤也曰庸溝也曰昆蟲亦貓
虎之屬郊特牲曰蜡也者索也歲十二月合聚萬物而索
饗之也曰城隍廟縣治西金大定年建明知縣楊應中田
景新劉廣國 國朝則范繩祖復營葺之考城隍祀自三
國其立祠則見於唐李德裕之在成都宋以後則郡國通
祀矣明洪武初封天下縣城隍神曰顯佑伯末年改正祀

高平縣志

卷三

祠祀

七

典曰本縣城隍之神今仍曰蕭曹廟在署東曰衙神祠在
署西曰獄神祠在獄前曰倉神祠在常平厰西北曰玉皇
觀在河西西里玉皇廟六一米山鎮一龐村一王庄一周
纂鎮一新庄村一馬村之蟠龍寨廟前有畫卦臺曰蒼頡
廟二一朗公山一永祿北曰泰伯廟在吾山山麓水曰泰
伯澗云曰東嶽廟二一米山鎮一回山北里在龍尾者曰
泰山寺曰西嶽廟在米山曰蚩蚘嶺縣東十里旱蝗則祭
焉朱彝尊蚩蝗廟碑云主民嗇事近乎古之田祖至蚩蝗
害稼之物陸機以爲螟之屬神以是名猶翼氏幘氏之命
其官云曰護國靈貺王廟三一鴉兒溝一西關一小北庄

世傳祀后羿司冰雹曰濟瀆廟四一建甯鎮一骷髏村一團池一陳堰骷髏村廟池有四足魚傳爲龍子觸之卽生災余六年因旱請龍子祀之無所謂四足者得常魚五蛙一蛙大如拳陳堰廟古檜蓋植自千百年矣曰金龍四大王廟在南關故志稱神曰謝緒會稽人憤宋祚之移沈淵死明興助太祖破蠻子海牙封之曰五龍廟二一孝義里一王何里宋時五龍見於丹水故祠曰龍王廟三一南關一白華山一宰李村村廟碑曰明萬厯時以旱故淘池得鐵牌一卜曰五日當雨已而果然余六年祈雨謁諸神土人曰自道光咸豐年兩淘鐵牌已不見曰靈淵王廟在七

高平縣志

卷三 祠祀

八

佛山唐時封曰敷澤寺在東宅里曰海神廟在東宅里旁有海泉池云曰真澤宮二一米山一四明山碑云神爲唐樂山寶二女事繼母孝而仙至宋捍患飯軍錫曰冲惠冲淑今禱雨輒應曰二郎廟在南關故志稱神曰趙昱隋時入水斬蛟爲治水神以鎮邑西水患云曰崔府君廟縣城西故志稱唐崔表爲長子令政馴猛虎高平鄰邑也所被亦遠矣哉曰孫真人廟二一米山一紫峯祀孫思邈曰骷髏廟城西五里秦白起坑趙卒四十萬唐玄宗幸潞州擇巨骨封之命有司以時祀曰馬將軍祠在原村祀元處士馬海明明封曰將軍曰節烈祠道光初建於官廨西南旋

圮今爲土所沒其巔猶枯木存焉知縣李貞木改建文廟
西故南書院址也祠祀元李鳳妻王氏若干人人詳節孝
傳雍正初元 詔天下郡邑於學宮附近立節孝祠蓋

聖主俯念窮檐欲使子居婺婦伶仃淒苦以終身者得近
聖人之居與俎豆馨香之報所以風世勵俗者至矣邑陰
禮不修愚夫愚婦往往陷於淫僻余於同治四年既嚴接
脚孤老逃亡之禁五年復舉節烈婦百九十有九人請

旌於朝庶幾返淫佚而歸貞信於移風易俗思爲小補云
其有官斯土者遺愛在人沒而尸祝之如建甯鎮之楊令
祠子器縣治之郭公祠質楊公祠子器董公祠琦孫公祠

高平縣志

卷三 祠祀

應奎 劉公祠大實張公祠齒劉公祠堯卿李公祠楨馬公

祠從龍亦即昔人桐鄉也生祠始於漢之藥布石慶于定

國夫甘棠猶思之况其人乎至唐狄仁傑刺魏州人吏爲

立生祠其子暉後爲參軍以貪暴而毀之則民情非可強

矣若邑之王公省身劉公應召任公大僚魯公光國王公

漢 韋公炳范公繩祖政教所布意有一二犁然當於人心

故生而祠之未必皆貢諛者之所爲未可沒也然久而皆
廢君子之澤五世而斬其不然與

尹喜結草爲樓周康王拜爲大夫號所居爲關令草樓觀
後周穆王好神仙召尹軌杜仲居終南山尹真人喜草樓

亦因所居曰樓觀爲觀之始漢明帝使蔡愔等招摩騰入
中國白馬馱經止鴻臚寺遂置寺曰白馬爲寺之始後或
曰招提曰伽藍曰道場曰蘭若尼曰庵邑諸淫祠若縣治
之崇果寺崇壽寺瑞雲觀準提庵呂祖洞咽喉廟三官廟
元帝廟白衣觀縣東則二仙廟雲月寺興隆寺定林寺鐵
佛寺地藏庵崇明寺招雲寺開化寺法興寺松泉寺白馬
寺二仙廟顯聖觀清真觀清夢觀西則興明寺龍泉寺吉
祥寺資聖寺華嚴寺普照寺元都觀仙姑庵洞真觀玉虛
觀猶龍觀天真觀南則慈教寺懸壺真人廟資聖寺慈教
寺崇明寺仙師廟覺圓觀東華觀北則六如寺鳩山寺法

高平縣志

卷三 祠祀

十

雲寺清化寺仙公廟其重沓與淫昏無名者尤興廢糾紛
不可勝紀夫仙釋之始雖清遠玄虛然無適於世今爲之
徒者更或踰滅五戒污穢彼法甚者僧與尼淫亂無別曰
道友流惑旣深猶復崇奉以祈福祥投簪散錢競詡功德
以窮黎膏血糜茲淫惰僧尼民何不益貧且困也嗚呼德
教旣衰後世且爲度牒以驅之蓋亦考唐開元禁以僧尼
道士爲門徒之制哉

魏源曰西域自佛未出世以前皆婆羅門教以事天治人
爲本自佛教興於漢而婆羅門之教衰佛教衰而婆羅門
教復盛一盛爲耶蘇之天主教再盛爲穆罕德之天方

教皆婆羅門之支變與中國儒教離立而爲四語其支派則佛教分爲三一墨那敏卽印度舊教一大刺麻卽西藏之黃教一墨魯赫卽西藏之紅教天方回教亦分爲三一出斯教卽婆羅門舊教一馬哈墨教卽穆罕默德所創行於阿丹者一比阿里教則其兄子所傳行於巴社都魯機者天主教亦分爲三一加特力教乃意大利所行天主舊教一額利教一波羅特士頓教英吉利闢加特力而尊波羅特士頓教蓋有供偶像畫象者有一切不供惟敬天者有供十字者有不供十字者其述彼法源流如此然回教流行其裔不及華民中土雖建清真寺從之者鮮佛教蠱

高平縣志

卷三

祠祀

七

惑愚民不過蠹財滋惰然慈悲不殺未有禍心故 國家崇奉黃教於雍和宮藉以控馭蒙古消其獷悍殺戮之機遂亦數百年無邊患惟西洋天主教自利馬竇南懷仁浸淫中土康熙朝制允傳授亦以 聖德懷柔任其生滅而時當隆盛邪說不作教亦寢微迨道光中葉英吉利始釁於粵咸豐時米利堅法郎西諸國和之而粵而閩而越而吳而燕內亂未平遂至執辱大臣侵犯郊圻啓千百年未有之變不得已而議撫各夷要求無厭英吉利增款先後至六十有六法郎西增款至五十有八米利堅爲款三十名曰通商意固莫測也其傳教中土者至縱所休止腥臊

所及禮拜堂遂遍華域誘入彼教者餌以金錢婦女則宜淫無忌餌其邪藥有迷溺至死不悔者其首直京師曰全權大臣往來不常諸埠曰領事官文移往返要挾非分依違而不敢決天主樓至逼西華門下瞰禁籞而夷夏之防潰矣教士所至以國符爲約守土者莫敢誰何其衍教於潞澤遼者曰鐸德安長治鳳臺靡然從之同治五年鐸德安遣徒馬廣冬來邑之龐村欲煽其術爲村民所逐余觀所習符語鄙穢不經猶遜於佛典而欲穢毒中國殆不其然抑聞英吉利占滿刺加建英華書院以中國人爲師學漢字新加坡建堅夏書院米利堅學漢字者居之而和

高平縣志

卷三

祠祀

三

議亦有不禁采買中國書籍之約吾友郭筠仙嵩燾有言西洋之變殆天欲使聖教流布西土開彼鴻濛用夏變夷理或然耶

禮系曰天子墳高三雉諸侯半之卿大夫八尺士四尺差尊卑也然孔子曰古者墓而不墳若皇覽所稱馮翊之蒼頡塚壽張之蚩尤塚今皆邱壟崇隆蓋荒遠難知出後人之附合矣中世謹兆域之制周有墓大夫掌之後世尤重其蹕禁如漢高爲信陵置守塚三十家而柳下惠之葬魯諸葛亮之葬定軍管甯之葬柴阜至官爲禁樵采焉國朝亦有平治他人墳墓爲田園之律凡以安死而慰生也

邑陵墓則炎帝陵在換馬村帝陵故在湖南鄆縣康樂鄉此蓋其虛塚也漢陳龜墓在龍尾里羊虎翁仲猶存唐二賢李恪李亮墓在長受村居民杜氏以爲宅明宏治時廟石得銘知縣楊子器復之上騎都尉李典墓在唐安岸潰得銘今石存集鴻若宋郎中張維則墓在野川西澤州僉判李之才撰碑大中大夫張宗古墓在通義南秘書正字秦垣撰碑李常侍墓在董寨村福王綰後五代時守澤州葬此金李文簡晏墓在城南刺史許安仁撰碑李襄獻仲畧墓在文簡墓側翰林學士知制誥趙可墓在魏庄東舍利山麓武甯軍節度使張師穎墓在玉井西今石鞭尙存

高平縣志

卷三

祠祀

十三

刺史侯大中撰表濮州刺史張國綱墓在南陳里狀元陳載墓在馬村西儒林段保墓在段庄村沁南軍節度副使董師中撰碑元廉訪使宋翼墓在高良西學士歐陽元誌金吾大將軍郭冕墓在王報村西北今石坊尙存明孝子王敬墓在金峯山東子太僕寺丞王燧墓附焉學士曾鶴齡誌光州知州郭質墓工部右侍郎郭鑿工部左侍郎郭鑿墓皆在長受里侍郎李璣爲郭鑿撰碑員外贈太僕卿申良墓在建甯鎮翠屏山山東僉事馮顛墓在唐安西陝西副使常存仁墓在縣北三里知府劉崇文墓在龐村西詹事劉虞夔墓在崇文墓側學士王家屏誌太常寺卿郭

東墓在建甯里禮部侍郎李廷璣誌渭南知縣贈僉事忠烈楊暄墓在王庄編修李士淳誌 國朝大理寺卿王邦柱墓在唐安東刑部侍郎李藻墓在龍嵒山麓湖廣布政畢振姬墓在得義村兵部右侍郎李棠馥墓在城北里浙江巡撫田逢吉墓在通儀里宰家壇歲貢生司昌齡墓在石末村北兩廣總督祁恭恪墳墓在孝義村西東河總督吳邦慶誌夫厚葬始於齊管仲嘗有棺槨過度戮其尸之令至宋華元侈葬其君益開後世僭靡之習迨秦始皇葬驪山淫濫無度而牧羊燔椁卒不保其終漢世不鑑其失三輔之亂諸陵發掘惟霸陵以薄葬得完足爲千古之戒

高平縣志

卷三

祠祀

古

邑俗以厚葬爲賢富者恒納金玉於墳墓必用隧諸棺纍纍啓羨門則應手可攫故時有破塚之禍昔楚昭王呂不韋殉以詩書漢時猶議發其塚况錦繡珠玉足隱啓盜心者耶嗚呼誠如樊宏之救薄歛范丹之令速封亦何至毀冠服殘筋骸而生孝子仁人之痛哉

漏澤園之設起於蔡京不仁之人而追先王掩骼埋胔之政所謂不能三年之喪而總小功之察也有明及 國朝循之不因人而廢其法邑之漏澤園在東關昔已荒矣嬰兒塔二在北郭知縣單寶書營之米山藏兒塔三焦河村南北郊嬰兒塚各一而邑俗之儆尤在停喪考魏晉之制

祖父未葬者不聽服官而劉隗上言有犯君子廢小人戮
宋孫覺知福州元于文知婺源猶舉其政裁制之 國朝
律曰經年暴露不葬者杖八十餘爲禁曰母厚葬母拘陰
陽毋僭用隧冬竟而畢封露棺累葉者罪其長思以次除
之庶亦反古之漸乎